

四庫全書

集部

欽定四庫全書

粵西詩載卷十

桂林府通判汪森編

五言律

過蠻洞

唐  
宋之問

越嶺千重合蠻谿十里斜  
竹迷樵子徑萍匝釣人家  
林暗交楓葉園香覆橘花  
誰憐在荒外孤賞足雲霞

自湘水南行

張九齡

落日催行舫，逶遲洲渚間。誰云有拘役，乘此更休閒。暝色生前浦，清暉發近山。中流澹容與，唯愛鳥飛還。

送岳州李十從軍桂州

張說

送客之江上，其人美且才。風波萬里濶，故舊十年來。劒拔蛟隨斷，弓張鳥自摧。楊橋書落落，驛馬定先迴。

送邢桂州

王維

鏡吹喧京口，風波下洞庭。赭圻將赤岸，擊汰復揚舲。月落江湖白，潮來天地青。明珠歸合浦，應遂使臣星。

題梧州陳司馬山齋

孟浩然

南國無霜霰連年對物華  
青林暗換葉紅藥欲開花  
春去無山鳥秋來見海槎  
流芳雖可悅會自泣長沙

寄楊五桂州譚

杜甫

五嶺皆炎熱宜人獨桂林  
梅花萬里外雪片一冬深  
聞此寬相憶為邦復好音  
江邊送孫楚遠附白頭吟

送裴二十七端公使嶺南

劉長卿

蒼梧萬里路空見白雲來  
遠國知何在憐君去未回  
桂

林無落葉梅嶺自花開陸賈千年後誰看朝漢臺

送獨孤判官赴嶺南

伏波初樹羽待爾靜川鱗嶺海看飛鳥天涯問遠人蒼  
梧雲裏夕青草嶂中春遙想文身國迎舟拜使臣

送李判官赴桂林幕

錢起

欲知儒道貴逢掖見諸侯且感千金諾寧辭萬里遊鴈  
飛侵瘴遠桂水出雲流坐惜離居晚相思綠蕙秋

桂林臘夜

戎昱

坐到三更盡歸仍萬里  
賒雪深偏傍竹寒夢不離家曉  
角分殘漏孤燈落碎花  
三年隨驃騎辛苦向天涯

桂州歲暮

歲暮天涯客寒窓欲曉時  
君恩空自感鄉思夢先知重  
誼人愁別驚樓鵲戀枝不堪樓上角  
南向海風吹

宿桂州江亭呈康端公

獨向東亭坐三更待月開螢光入竹去  
水影過江來露滴千家靜年流一葉催  
龍鍾萬里客正合故人哀

桂州西山登高上陸大夫

高登西山上高處更堪愁  
野菊他鄉酒蘆花滿眼秋  
風烟連象郡兄弟客荊州  
早晚朝天去親隨定遠侯

桂城早秋

遠客驚秋早江天夜露新  
滿庭惟有月空館更何人  
卜命知身賤傷時舞劍頻  
猿鳴曾下淚可是為憂貧

再赴桂州先寄李大夫

玷玉甘長棄朱門喜再遊  
過因讒後重恩合死前酬  
養

驥須憐瘦裁松莫厭秋今朝兩行淚一半血和流

贈宜陽張使君

暫作宜陽客深知太守賢政移千里俗人戴兩重天舊  
郭多新室閒坡盡闢田儻令黃霸在今日恥同年

送李審之桂州謁中丞叔

戴叔倫

知音不可遇才子向天涯遠水下山急孤舟上路賒亂  
雲收暮雨雜樹落秋花到日應文會風流勝阮家

過柳州



地盡江南戍山分桂北林火雲三月合石路九疑深暗  
谷隨風過危橋共鳥尋羈魂已愁絕不復待猿吟

種柳戲題

柳宗元

柳州柳刺史種柳柳江邊談笑為故事推移成昔年垂  
陰當覆地聳榦會參天好作思人樹慚無惠化傳

酬徐二中丞普寧郡內池館即事見寄

鷓鴣念舊行虛館對芳塘落日明朱檻繁花照羽觴泉  
歸滄海近樹入楚山長榮賤俱為累相期在故鄉

送桂州嚴大夫

韓愈

蒼蒼森八桂，茲地在湘南。  
江作青羅帶，山如碧玉簪。  
戶多輸翠羽，家自種黃柑。  
遠勝登仙去，飛鸞不假驂。

送人之臨桂

張籍

旌旆過湘潭，幽奇得遍探。  
莎城百粵北，荇路九疑南。  
有地多生桂，無時不養蠶。  
聽歌難辨曲，風俗自相諳。

送南客

行路雨脩脩，青山盡海頭。  
天涯人去遠，嶺北水空流。  
夜

市連銅柱巢居屬象州來時舊相識誰向日南遊

送嚴大夫赴桂州

白居易

地壓坤方重官兼憲府雄桂林無瘴氣栢署有清風山  
水衙門外旌旗艘艤中大夫應絕席詩酒與誰同

走筆贈許玖赴桂州命

張祐

桂林真重德蓮幕藉殊才直氣自消瘴遠心無暫灰劍  
稜叢石險箭激亂流迴莫說雁不到長江魚盡來

遊東觀

張固

巖岫碧孱顏靈踪若可攀樓臺烟靄外松竹翠微間玉  
液寒深洞秋光秀遠山憑君指歸路何處是人寰

南中

王建

天南多鳥聲州縣半蕪城野市依蠻姓山村逐水名瘴  
烟沙上起燐火雨中生獨有求珠客年年入海行

桂嶺

嶺頭分界堠一半屬湘潭水驛門旗出山蠻洞主參辟  
邪犀角重解酒荔枝甘莫道中華遠安南更有南

桂林路中作

李商隱

地暖無秋色江晴有暮暉  
空餘蟬嘒嘒猶向客依依  
村小犬相護沙平僧獨歸  
欲成西北望又見鷓鴣飛

桂林即事

城窄山將壓江寬地共浮  
西南通絕域東北有高楼  
神護青楓岸龍移白石湫  
殊鄉近河禱簫鼓不曾休

昭州

桂水春猶早昭州日正西  
虎當官路鬪猿上驛樓  
啼繩

爛金沙井松乾乳峒梯鄉音殊可駭仍有醉如泥

哭劉司戶蕢

路有論冤謫言皆在中興空聞遷賈誼不待相孫弘江  
濶惟迴首天高但撫膺去年相送地春雪滿黃陵

又二首

離居星歲易失望死生分酒甕凝餘桂書籤冷舊芸江  
風吹鴈急山木帶蟬曛一叫千迴首天高不為聞

有美扶皇運無誰薦直言已為秦逐客復作楚冤魂溘

浦應分派荆江有會源併將添恨淚一灑問乾坤

異俗二首

自注時從事嶺南

鬼瘡朝朝避春寒夜夜添未驚雷破柱不報水齊簷虎  
箭侵膚毒魚鉤刺骨鉅鳥言成謬詐多是恨彤襜

戶盡懸秦網家多事越平未曾容獺祭只是縱猪都點  
對連鰲餌搜求縛虎符賈生兼事鬼不信有洪爐

送戴端州赴容州

陳羽

分命諸侯重歲蕤繡服香八蠻治險阻千騎踏繁霜山

斷旌旗出天清劒珮光還將小戴禮遠出化南方

璽家

項斯

領得賣珠錢還歸銅柱邊看兒調小象打鼓試新船醉  
後眠神樹耕時語瘴烟不逢寒便老相問莫知年

蒼梧雲氣

何年畫作愁漠漠便難收數點山能遠平鋪水不流濕  
連湘竹暮濃葢舜墳秋亦有思歸客看來盡白頭

海南送韋七使君赴象州

陳陶



一鶚韋公子新恩領郡符  
島夸通荔浦龍節過蒼梧  
地里金城近天涯玉樹孤  
聖朝朱紱貴從此展雄圖

桂州經佳人故居

李羣玉

種樹人何在攀枝空歎嗟  
人無重見日樹有每年花  
舊院雀聲暮半庭春景斜  
東風不知恨滿地落餘霞

送曹郎中南歸時南中用軍

李洞

桂水淨和天南歸似謫仙  
繫條輕象笏買布接蠻船  
海氣蒸輦軟江風激箭偏  
罷郎吟亂裏帝遠豈知賢

送容州唐中丞赴鎮

張泌

交趾同星座龍泉佩斗文燒香翠羽帳看舞鬱金裙  
鷁首衝瀧浪犀渠拂嶺雲莫教銅柱北祇說馬將軍

寄湘中鄭明府

黃滔

縣與白雲連滄洲况縣前巖僧同夜坐江月看秋圓  
琴拂莎庭石茶擔乳洞泉莫耽雲水興疲俗待君痊

次梧州却寄永州使君

周朴

隨風身不定今夜在蒼梧客淚有時有猿聲無處無潮

添瘴海濶烟拂粵山孤却憶零陵住吟詩半玉壺

全州冬月陪太守遊池

僧無可

殘臘雪紛紛林間起送君苦吟行迥野投跡向寒雲絕  
頂晴多去幽泉凍不聞唯應草堂寺高枕脫人羣

磐石

宋柳開

古寺聳山椒公堂去不遙尋僧忘俗慮盤道出塵器疎  
箔捲烟霧明眸望次寥漁翁江上立指我在雲霄

通中得先之兄書取邕欽宜柳歸約十二月到此

年節已近未聞來朝寄奉

李師中

我在灘江上君行瘴海濤因勞南去夢暫望北歸心別  
後年華改新來雨露深憑欄望書信一字抵千金

遠宦良多感新來更可悲春隨斗柄動人自海邊歸僕  
馬疲勞甚郊原雨水時經旬不得信凭檻又吟詩

題太空子隱居

劉仲遠自  
號太空子

可道非常道真空本不空荒郊自生草閒地又栽松無  
欲更何慮有為終必窮風雲上天去老子信猶龍

昭潭十愛

梅摯

我愛昭州水相灘共一源本無汙泥滓去有棹歌謳沃  
野藤溪道浮琛玉海門有時新雨漲多半是君恩

我愛昭州士平居富塾庠興賢尊漢詔論秀美周鄉藝  
苑蒲開堞書堂縹結囊蟾宮前後進一一手間香

我愛昭州觀裁基壓大溪一樓雲駐隱雙表鶴歸迷金  
刻先朝語鸞鷟舊使題皇恩新雨露祈福為萊黎

我愛昭州寺東西占景開門臨九峰列僧自五天來講

次花飄席齋餘鳥下臺萬民共行樂終讌首慵迴

我愛昭州路優遊不險崎九疑通舜野八桂達秦祠  
亭堠相望處漁樵有讓時政無牙虎鬪莫信義山詩

我愛昭州角嗚呼右郡衙萬愁縈桂水一曲咀梅花  
調古湘雲叶聲乾嶺月斜今愁并古恨吹起落誰家

我愛昭州月閒宵入綺樓涼生荔浦樹冷熨桂江秋  
朱戶千家啟浮雲萬里收誰誇魏公子飛上鄴門遊

我愛昭州樂供官不在多薰風齊樂聖淑氣且宣和  
謁

金少卿集卷十  
廟知神格鋪筵喜客過聲邊無一事對酒謾高歌

我愛昭州酒千家不禁燒縹醪一爵舉瘴霧四時消紅  
葉和雲踏青帘傍水招化濃民自醉鼓腹日歌堯

我愛昭州果西東此擅珍荔枝登宴美桂子薦盤新映  
樹珠含影承牙玉溜津二年遊官樂滿腹嶺南春

北牖洞

孫抗

舊駐東方騎因題北牖名來須風作御去認斗為城日  
氣晚方到雲收寒易生子心匪遊衍拱北振華纓

白雀洞

禽貴羽毛潔地憐巖壑幽名非華陰凍景似秀林秋不  
覩書塵繼空驚歲月適何如潁川鳳千古冠綬油

南華洞

峭徑入蒼烟他山盡一拳上盤朱鳥翼中寓漆園仙清  
可攜壺賞涼堪拂石眠九疑生接境曾此按薰絃

朝陽洞

險絕信天開春蘿蔭古苔不愁雲影閉先得日光來片



石充碁局涼坡遞酒盃東風偏著意草木爛成堆

嘉蓮洞

地應連海眼終古蓄寒泉四列青蒼壁雙開幽壑蓮已  
嗟真賞去猶訝昔香傳未媿東林下霜葩社衆賢

夕陽洞

塵寰雖未遠顥氣覺偏滋日落鳥歸處秋高風勁時吟  
餘下天籟坐久凜冰肌信是棲幽境涼蟾照履綦

送容州杜祕丞

余靖

宦滿一舟歸高懷背俗馳家藏唯翰墨民政在聲詩

秀氏

陳生為詩  
言政甚詳

氣勁秋霜並吟多夜月知知賢無路薦何以

報明時

過清湘

陶弼

嶺開蠻壤斷此地下湘川綠水紋如染丹風色欲然瘴  
消還愛酒兵解尚憂邊故里誰相訪孤帆出曉烟

霞溪驛

歌聲野色中人樂歲時豐暑雨陰晴雜秋田早晚同嶺

金天尺牘卷十  
雲無烈日江樹足涼風  
自指鄉山語前村有路通

二妃廟

溪上龍蛇屋蕭條帝女祠  
竹痕當日淚山色後人疑  
古服霞流綺新妝月獻眉  
楚民無水旱簫鼓謝神禧

題興安縣石灰鋪壁

馬度嚴關口生歸喜復嗟  
天文離卷舌人影背含沙  
江勢一再曲梅梢三四花  
登高休問路雲際是吾家

再至陽朔

五管新多事，輕車屢往還。  
勤勞成白髮，故舊是青山。  
樹色纔分楚，江聲未出蠻。  
自慚迎候少，無惠及孤鰥。

送臨桂令戴若納出廣

五嶺生還少，無辭酒滿觴。  
共經邊寇事，先出瘴烟鄉。  
楚樹蟬聲早，湖天日影涼。  
此行休問路，宮闕斗杓旁。

送桂林余靖侍郎移帥長沙

戈船不用兵，鼓角下湘靈。  
草歇初春雨，天迴奉使星。  
江萼波上紫，楚水望中青。  
欲轉湖湘去，家山在洞庭。

送陽朔尉王翊還東海

勞生如嶺水嶺盡忽分流  
草色湘中路潮聲海上洲  
少孤家有法官簿鬢先秋  
我亦嗟貧病相期江漢遊

寄陽朔上官凝明府

嶺上一揮手蠻村花又疎  
閒思昨夜夢勝得舊年書  
地志烟嵐裏官資州縣初  
詩成好相寄江水接靈渠

寄桂帥趙待制

一紙降書落天恩寵作州  
舊疆分海界新額上城樓  
古

塞南唐詔荒祠蜀武侯前朝聲地自是北人愁

寄陽朔尉輔臣

將斧征蠻歲儒冠破賊初日邊呈瑞氣夜半得降書許  
國心非淺封侯望已踈相逢感秋病眷眷舊溪魚

欄蠻山

西去萬重山茲峰獨限蠻天生賊多計民賴汝為關設  
險數州地防危一日間守邊須以道絕頂可躋攀

永平寨道中

疊嶂深千里窮邊今一隅北風家信息南斗客程途  
巔勢頻開合猿聲乍有無過溪人語笑隔岸成烟孤

送呂濤典獄之梧州

峽口蒼梧縣城依南斗魁江潭海潮上地熱火山來  
草沒嘉魚穴雲封拜表臺到應無獄訟豈菴酒頻開

容管

一年勾漏守尋盡洞中天佛記盧藏用仙壇葛稚川  
醒心西驛水燒眼碧池蓮我豈無新事詩碑與酒泉

自注  
郡有

勾漏白石都嶠等山所謂三洞天也盧藏用太雲寺記  
石高二尺西驛韋丹建閣下有石泉并記後唐李復  
作池植  
蓮數萬

### 南寧崑崙臺

落照古城隅邊風動隼旗久間忘戰略多病熟醫書白  
髮隨年短新情與世疎桃花春水暖誰釣舊溪魚

### 早登崑崙臺望戎兵北歸

春風歸未得默坐廢臺間居易衷腸結安仁兩鬢斑蜂  
銜新藥去燕引舊雛還帳下誰更戍旌旗出亂山



南城臺

江國家書少秋臺閒草生無人來遠渡盡日上高城落  
照懸魚市孤烟起戍營東籬故園菊又向酒中傾

南寧崑崙關

關路下崑崙蠻封迤邐分春光偏著草雨意不離雲俗  
異君修德時平將用文臨溪照綠水老鬢雪紛紛

三公臺落成飲其上

北原喬木外三將舊屯營草沒金鉏蹟山應玉管聲路

隨關地起江背瘴天傾異日誰相繼來書第四名

那霸泉

昔年觀地志此水出牂牁斷岸深無底平流暗起波感  
恩來客少射影短孤多未老諸蠻在樓船空再過

羅秀山

尋山入羅秀旋結草堂居花露生餅水松風落架書聞  
猿得句後見月出行初此夕雲林下無因夢使車

會仙嶺

寂寂長冥洞涓涓漱玉泉鳳簫聞夜半鶴馭認雲邊  
蒼蒼若尋安老披蓑訪稚川於中得消息何用買山錢

思明府明江

幾年來瘴外此夜宿溪中照枕殘雞月吹燈落葉風  
虛循猶偽國楊僕已衰翁起戴寒星去前村燒影紅

和石灰鋪壁間韻

王樞密

時事遽如水無言只浩嗟三年避兵火萬里走塵沙  
禦瘴猶須酒傷春不問花茫茫雲水地何處可為家

送向綜通判桂州

范仲淹

通籍三公後監州五嶺深  
欲知明主意將慰遠人心  
歲計多藏藥舟行不廢琴  
歸書清白最寧問橐中金

挽桂林戴別乘敦常

蔡襄

杖履何年別松杉古道傍  
城山秋月盡南嶺暮雲長  
古調愁難合孤根老易傷  
欲將數行淚重至鄭公鄉

暢巖

姚嗣宗

石作峒房勢水隨人意  
流兩巖長濺雨五月便驚秋  
此

景多深趣吾心真樂遊山翁中宿酒欲醉五更頭

訓桂林從叔

賀鑄

江到三湘盡山圍八桂深龍蛇寒不蟄霧露晝多陰迢  
遞馳梅信殷勤訪竹林淮南風土美留滯亦何心

能仁寺

黃庭堅

招提古山島掩映碧江心鐘叩頻風遠僧禪水月深鶴  
歸門外浴龍向檻邊吟每遣遺詩者毋忘撥棹尋

挽鄒忠公

楊時

一伏青蒲上三年瘴海濱  
泉甘不出戶客至豈無神  
報國心常在知恩志未伸  
追懷垂絕語空有淚盈巾

龍興觀有感

鄒浩

自罷龍興節人間幾歲窮  
偶觀塵榜暗追感御爐宵萬  
事遺高躅三清肅下風  
釣天在何許猶兼夢魂通

見魯直題陶高翁碑後有感

碑在興安石灰鋪

石上猶新墨忘情亦歎嗟  
殊恩但歸骨冷迹尚平沙  
願力消塵垢瞻依盛寶花  
人間幾行淚空灑玉川家

容南道中

李綱

路入容南境風烟自一方山空雲冉冉春動水茫茫紫  
府丹砂秘幽村碧樹芳蕭然有佳致作個是炎荒

訾家洲

張孝祥

一雨便清涼風回百草香雲山米家畫水竹輞川莊僧  
賦蠲新帖牆榛蘗舊行歸轡乘晚霽空翠滿輕蕩

過靈川

塵沙行半日烟火是靈川縣只三家市渠通大斛船官

空無現俸稅重有荒田太息王郎子樓遲欲四年

湘山留別

折彥質

寓久渾忘客臨行是別家  
遑窮身更怯秋老鬢先華  
生計黃茅合歸期碧海賒  
湘山今夜雨留我意無涯

湘山

韓駒

湘南第一境山水足娛人  
塔占飛來石僧留過去身  
雲泉蒼壁曙竹樹絳園春  
羨次爾安禪客翛然不受塵

劉仙岩

曹輔



石磴仙巖路登臨莫倦攀  
亂泉歸萬壑一目盡千山  
嶂雨收雲後松風吹莫還  
道人今不見無處覓玄關

聞寇至初去柳州

曾幾

剝啄誰敲戶蒼茫客抱衾  
只看人似蟻共道賊如林  
兩岸侔千里扁舟抵萬金  
病夫乘下戀萬一有佳音

疊綠巖登越亭

朱晞顏

不到越亭久榴花今已紅  
江流寒瀉玉山色翠浮空  
有越薰風裏三湘夕照中  
行藏仗忠信六合本同風

送丁懷忠教授象州

陳傅良

二毛羈旅久一飯瘴鄉輕把酒時相屬令人意自平  
校官無簿領帥閫甚聲名所恨冥冥雨梅天不肯明

仲春過陽亭

張栻

亭古危臨岸林幽巧近城烟容隨雨住花片著溪清  
春事已如許客懷誰與傾亭前幾株樹滿意欲敷榮

堯廟

明祀崇千載荒山拱萬靈挿天巉絕壁飛瀑下空庭  
繪

事存淳古真風寄杳冥頻繁何以薦帝德日惟馨

送但能之守潯州

循吏古猶少顧民今未蘇丁寧煩詔旨推擇得吾徒根本誰深念詩書計不迂惟應敦此意豈但應斯須

送陳仲思叅佐廣右幕府

舊說桂林好君今幕府遊江山資暇日梅雪類吾州煮海何多說安邊更預謀政應勤婉畫不用賦離憂

寄趙漕

想得昭潭上兒童夾道迎  
皇華今日使竹馬舊時情  
梅藥冬前折山光雨後清  
使君桃李客當為駐車旌

蒙亭二首

孫覲

小築三間足雄包萬象并  
遙波通極浦落日抱孤城  
小語千巖應長歌百壑驚  
坐看衣履上漠漠晚雲生  
落拓詩酒畔踈慵粥飯僧  
蕩胸開遠抱拄頰見高稜  
鳥倦猶聞語蛟寒正可罾  
一區如可卜吾不愧陳登

九日次獻花鋪

李衛公貶海外道過  
象江蠻女獻花於此

古路三义口青裙兩髻了更無陶令菊空想衛公花破  
屋堆黃葉清江綠白沙殷勤邀一醉蛋酒壓藜楂

珠塘

未至清湘  
二十里

范成大

林茂鳥鳥急坡長驢馱鳴坐輦猶足痺負爰想肩頽廢  
廟藤遮合危橋竹織成路傍行役苦隨處有柴荆

宿清湘城外田家

驅馬力猶強就牀身始疲浮浮雲拂帳滴滴水鳴籬未  
熟燈前夢間尋道上詩湘中多夜雨客枕最先知

紅萱菟花

綠葉焦心展紅苞竹籜披貫珠垂寶絡剪綵倒鸞枝且  
入花欄品休論藥裏宜南方草木狀為爾首題詩

宿深溪驛

北戶書頻到南雲鴈不飛試評騎馬路何似釣魚磯擊  
柝黃茅店篝燈白板扉故園桑柘煖亦有稻粱肥

觀靜江山水呈陳魯叟漕使  
戴復古

桂林佳絕處人道勝匡廬山好石骨露洞多岩腹虛崢

巖勢相敵溫厚氣無餘可惜登臨地春風草木疎  
昨者登梅嶺茲來入桂林相從萬里外不負一生心湖  
上千峰立樽前十客吟譏評到泉石吾敢望知音

送湘漕趙蹈中寺丞移憲江東

持節復持節因循霜鬢侵盛衰關大數豪傑負初  
宇宙虛長算江湖寄短吟番陽秋水濶湘浦未為深

融州東樓

陳藻

燈火無蠻市江山遶暗城漁舟關柝響野燒日頭生雨

濶千村暝天高一月行夜樓多好景都不礙陰晴

全州

劉克莊

寂寂全州路家家荻竹扉吳僧留塔在過客入城稀傳  
舍臨清泚官亭占翠微沙頭泊船者多自嶺南歸

嚴關新洞

羽客初尋見因于此葺廬未能平險峻先擬架空虛磴  
路樵相引山名尉自書看來臨驛道未必有仙居

訾家洲



來訪唐時事荒洲暮靄青徧生新草棘難認舊池亭毀  
記期無主存祠怕有靈今人輕古迹此地少曾經

初遊水東諸洞次同遊韻二首

桂山前未到今日是初遊招鶴登青巘呼龍俯碧湫深  
溪通秉炬小竇劣容舟豈敢輕題詠同官盡柳劉

舊聞崑洞勝欲徃自髫年簪房過靈隱幽深似善權遠  
環州堞外近獻屋簷邊儻有登臨約時時願執鞭

堯廟

帝與天同大天存帝亦存桑林通絕徼簫鼓出深村水  
至孤亭合山居列岫尊尚餘玉階意樵牧踐籬藩

舜廟

粵俗人知帝遺祠古至今青山花寂寂朱戶柏森森雨  
打荒碑缺苔封石洞深曾聞張侍講來此看韶音

清惠廟

來訪古祠宮迢迢過水東一條溪不斷數里竹方通平  
拜分餘胙商行禱順風妝樓空百尺半仆夕陽中

脩然亭

每到欄干畔徘徊暮始還為憐鄰水寺盡見隔城山牆  
繚青苔裏舟藏綠樹間松扉宜步月只是限重關

簪帶亭

上到青林杪凭欄盡桂州千峰環野立一水抱城流沙  
際分漁艇烟中見寺樓不知垂去客更得幾迴遊

送陳魯叟使君赴廣西漕

闔郡留無計匆匆奪父師使君三月政遺老百年思遠

官生華髮輕裘載舊碑海山應有恨未得謝公詩

送趙叔愚赴潯州理掾

未奉三雍對聊為五莞行鄉書踰嶺少詩思入湘清遠  
官身差穩中州事曰生向來幾離別此別最關情

哭桂州譚戶錄二首

讀過書皆記非惟善屬文有名登進士無命作參軍白  
髮行秋暑青山殮瘴雲可憐膏火下虛費一生勤

胸次有千年囊中之一錢客來論旅殯官為顧歸船通

德梳新髻童烏拾舊編傷心鄰巷裏廢宅鎖寒烟

寄雲林楊少雲自衡之桂

鄒登龍

問訊楊夫子經年客異鄉南浮湘水遠西望楚長天五  
嶺梅花發孤城草色荒白雲遙滿目曷久住炎方

龍隱巖

方信孺

石門元不鎖巖屋本無基九夏花猶在千年樹倒垂僧  
閒方定起客到每歸遲甚欲眠蓬葉沿崖續斷碑

蒼梧即事

謝亨

近岸江聲急孤舟下杳冥峽泉飛暴雨灘石走羣星水  
有瀟湘色猿同巴蜀聽令人思舜德一望九疑青

遊東觀

呂愿中

郊原同按轡杖履陟青冥山色混林樾溪光照斗星  
峰高挿戟免徑曲穿庭孤鴈一聲遠千岳特送青

題西山

曾宏正

足倦尚躋攀南來第一山撐空列岫聳拂閣從身孱顏  
莫作炎山看渾疑鴈蕩間輸他癡衲子終老白雲關

閻相可翁先生偕王人有湖山遊獲侍坐先生有  
詩輒用韻

豐蒞

西郊陪衮繡雲步入千山行樂五星聚浮生半日間尋  
棊楓葉下載酒藕花間譚笑長城在何人敢度關

題西山

李曾伯

玉筍環星拱青螺帶霧披山為天下勝境占嶺南奇援  
筆難窮者凭欄盡目之不因無世累築室在於斯

余再牧桂之明年實開慶改元上命三衢柴土表

視邊隘竣事將還夏六月二十一日約憲倉四明  
豐蒞兵帥汪光朱廣用符離朱煥載酒千山觀  
訪招隱過仙奕感今懷昔風物固亡恙也時火傘張  
空水花蘸碧相與徜徉其間清不受暑得四十字  
自從來嶺嶠宣暇訪湖山緹騎行邊了戎旗護戍閒相  
看羣玉外一笑六郎問回首西風靜何愁老漢關

淳祐庚戌因勸農來白龍洞得四十字是日微風  
扇和輕雲閣雨千峰翠滴四野綠秀林禽對語春



意駘蕩無極徜徉久之緩轡而去

老龍昔未蛻嘗蟄此山中霖雨春疇足風雲夜壑空兩  
崖高下倚一徑往來通不願千金劑惟祈百穀豐

挽鈍齋先生許象州

李昉英

家學存齋授淵源自晦庵

存齋公伯祖也晦庵為名齋且為之記

魁文行

海內師道重天南銜得冰條一州纔刀夢三芳名却千  
載俎豆拜祠龕

義重人誰及高風有古人已田分友子

友人林司法初筮西廣終于官

妻子貧先生  
割己田贍之

黎事保羈臣

顏郡守羈廣西先生以經幹  
告身保薦顏起廢撫定黎峒

有功朝廷嘉  
之授瓊院守

抱負耕莘志依稀陋巷仁丹青遺像在難

寫道心真

丈席即之溫終身佩一言棟樑失安定山斗慘寒門慟  
矣心喪重淒然手澤存江聲助悲些莫返大夫魂

靈巖

呂源

憶別老君洞今逾二十年從來持漢節又復冒蠻烟風  
物總仍舊霜髯徒自憐不如歸去好趣辦五湖船

彈丸山

陳 讜

地迫山奇怪神仙喜穴居百雲剡洞巧五石補天餘商  
野幽人夢周南太史書心乎愛丘壑勝概一躊躇

過梧州

易 謙

城空花爛熳樓向雨瀟條毒草春生瘴蠻江晚上潮魚  
肥堪把釣鳳去不聞韶萬里雙持節恩波賴聖朝

逍遙樓

建都思

逍遙留古迹勝景浩無窮霧鎖山城市烟藏水府宮峰

巒霄漢外棟宇畫圖中百草叢深綠羣花綻淺紅

湘山寺

雷隱翁

何代梵王宮軒牕闕碧峰虛庭蒼蘚匝一徑白雲封石澗吞寒竹品猿答暮鐘能令吟賞者不倦往來重

柳州道中

元陳孚

五嶺炎蒸苦征夫各陣行荒哉秦象郡痛矣柳龍城水毒人多病烟昏馬易驚里閭凋瘵甚邊將莫言兵

度三花嶺

絕壁三千丈荒烟八九家黃茅青草瘴黑質白章蛇橄欖高懸子芭蕉倒吐花嶺頭一回首何處是京華

桂林

傳與礪

桂林南望遠山路與雲連淺水清涵石攢峰亂刺天  
戈仍歲月瘴癘接風烟蠻寇何能定邊氓亦可憐

送鞏志道桂林憲使

憲使才名舊南遷歲月遲湘中獨發夜嶺外早行時  
暑雨過榕樹涼風起桂枝殊方慎寢食莫遣鬢成絲

相見嗟已晚相知情獨真一生多好僻終歲少言貧豈  
是輕微祿祇應念老親送君徒悵望心迹不堪陳

五嶺連烏府羣賢列繡衣閑門文史足巡郡簡書稀日  
月明丹徼風霜滿翠微時時念疎遠吾道亦先輝

梧州嘉魚亭

舟楫回沙驛旌旗駐郡亭江通五管白天落九疑青此  
日瞻雲氣誰家見客星軍需晝夜急寇盜幾時寧

賓州

過嶺冬猶熱綠山夜未寧樹殘兵後赭草發燒餘青西  
寇迷仙霧南人候使星民居日稀少惟見短長亭

答別龍州蕭從事韶

北極絲綸下南陲政化通靈槎浮度斗瘴草偃隨風殊  
俗難為別清談喜屢同馳驅不可住心切大明宮

使節明金虎腰弓偃畫蛇蠻夸趨號令原隰見光華邊  
樹猶含綠江梅久放花憶君依幕府何日定還家

還聞柳州破道阻將泝江

交趾方通使賓州忽被圍還聞山路塞徑就水程歸上  
府空金轡前軍老鐵衣誰能平政化不事總戎機

別靜江文學諸公

乍見先愁去將行未忍分字期歸後寄歌畏別時聞驛  
樹過春雨江船隔夜雲驅馳念吾弟羽翼待諸君

和智禮部早發興安

早發興安道人瞻奉使槎雨來鳴近樹雲去落誰家解  
纜眠看竹哦詩坐煮茶歸程足幽意莫向市朝譁



仙李洞

詹士龍

八桂棲霞洞穹然自渾成豐隆昭艮靜空洞合離明壁  
隱龍潛滑脂凝鰓尾清仙靈杳何許登眺暢幽情

書堂山

陸 垕

何年柳使君開此讀書林天地三江遠烟雲一徑深高  
山仰聖道流水靜人心伊昔從遊樂遺風尚可尋

發橫浦之永淳縣

范 梈

急漿開晨漲孤尊已夕陽水光排峽靜洲勢背城長太

史才無敵將軍義，不忘感傷今歲月。  
淹泊愧滄浪。

逍遙樓

巴圖爾丹

身世雲霄上，飄然思不窮。  
晴山排翠闥，暮靄闕琳宮。  
牧笛殘雲外，漁歌落照中。  
蓬萊凝望眼，隱隱海霞紅。

老人巖

伊 嚕

幾年混元境，曾見繡衣遊。  
刻石俯丹井，題名瞰碧流。  
我來尋古蹟，魚躍上扁舟。  
還是夙緣否，真仙微點頭。

逍遙樓次韻

吳伯寅

危樓天欲半登覽興何窮雲鎖崑崙塞星環太乙宮江  
山圖畫裏賓主笑談中回首嚴城暮千門日影紅

七星巖

李弼

乘興上東山天風拂壯顏七星連地脈一竅透天關玄  
鶴何年去丹爐盡日閒我因厭塵俗到此不知還

粵西詩載卷十

# 欽定四庫全書

集部

粵西詩載卷十二

詳校官庶吉士臣瑚圖禮

主事銜臣徐以坤覆勘

總校官庶吉士臣朱 鈐

校對官庶吉士臣吳裕德

謄錄監生臣沈希曾

欽定四庫全書

粵西詩載卷十一

桂林府通判汪森編

五言律

梧州道中

明嚴震直

候吏動征旆船牕曙色明冠纓凌海氣書劍帶潮聲  
擊楫花迎笑揚帆鳥不驚行行天上坐江漢自澄清

渡繡水取道赴高州

劉崧

日出城烏起風高驛馬鳴山從雲際起人在樹間行溪  
畧窮深捕畬刀廢薄耕見人茅屋好渾欲愧平生

憩金雞驛亭

綠雲上驛亭春色正冥冥千樹棠梨白滿山蕉葉青碧  
潭開匣鏡秀壁擁帷屏尚說容州遠舟行未可停

下馬

下馬度欽峯千溪復萬林含沙疑鬼箭飛草畏蜺鉞火  
種通徭俗山歌雜獠音逢迎暫投息起坐劇愁心

發梧江驛

韓守益

早發梧江驛新晴宿雨收暖風寒食後啼鳥綠陰稠到  
處停蘭棹逢人問象州隄防多鼠盜終夜整戈矛

懷遠縣

治平今日有因得遠人懷一水牂牁遠千山翡翠開竹  
祠依澗壑縣郭半雲霾我正詢民瘼苗頑莫浪猜

謁羅池廟

嘗聞柳州柳今到柳州城謁廟雙旌去看碑百感生遠

人巖祠典遺像著高名庭樹參天綠神來瘴癘清

遷江縣

駐馬遷江郭懸旌映落霞山危開八寨縣小只三家望  
望依前戍鳴鳴起暮笳晚涼生解宇中夜夢京華

蒼梧即事

林弼

駐馬蒼梧野雲烟半杳冥荒林虞舜廟斜日呂仙亭城  
枕三江險山連百越青長歌舒逸興激烈振林垌

送曾主簿之平樂

高啟



路出桂江東鄉音想未通蛇飛山苦霧鵬運海多風木  
魅長欺客花蠻少學農縣廳何處在椰葉晚陰中

樂川官舍

習韶

嶺海南天遠西風獨倚闌清秋蓬鬢短昨夜井梧寒書  
札雲邊夢江流物外觀南山松桂子一一報平安

邕州

王偁

五管推名郡雙江接上遊人家蠻霧曉山雨瘴烟秋遠  
客誰青眼殊方易白頭今宵南極外分野望牽牛

送沙子進赴祿州別駕

客舍酒初香都門柳色黃一官仍別駕萬里赴炎荒江  
路猿聲早山城榕葉涼遠人勞撫字且勿厭殊方

浮大江之廣西途中作

藍智

慘淡西門別蒼茫廣海行微風孤棹遠落日大江清鴈  
帶還家夢雲留戀闕情悲歌一迴首出處念浮生

宿陽朔山寺

晚景孤村僻松門試一登秋山黃葉雨古寺白頭僧壞

壁穿新竹空牀覆舊藤  
官情與禪意寂寞共寒燈

宿蘇橋驛

桂嶺愁人地梅花歲暮天  
孤雲寒雨外獨鳥暝鐘前  
牢落空雙鬢驅馳又一年  
觀風愧無補為客記山川

柳州道中

窮荒持憲節侵曉策征驂  
落月千峰外清霜五嶺南  
草寒初息瘴林曙欲浮嵐  
巡歷知無補艱難頗自諳

柳城道中

霜氣晚淒淒荒岡恐路迷孤雲桂嶺北落日柳城西地  
暖蛇蟲出林昏鳥雀棲蠻鄉經戰伐問俗愧遺黎

恭城縣

十室黃茅邑千峰紅葉村喧卑蠻俗異質朴古風存雞  
犬連徭洞牛羊到縣門殘年歷荒徼遙布聖明恩

過雲洞嶺

路出千林迥山連五嶺遙石崖懸度棧野樹卧通橋澗  
飲猶防蠱畚耕盡屬徭夕陽驅瘦馬鬚影漫蕭蕭

柳城縣

青山入縣庭小邑但荒城竹覆茅茨冷江涵石壁清草  
蟲當戶墜水鳥上階行問俗知無事松風一舸輕

出雲藤驛

又出雲藤峽扁舟更向東地蒸秋有瘴江濶夜多風旅  
夢驚啼狄鄉心託斷鴻天涯看月色不與故園同

來賓縣曉發

官遊同逆旅侵曉遂征途空館殘燈小長江落月孤鄰

金匱山房詩集 卷十一  
雞催去馬城柝起樓烏物色兼人事匆匆歲月徂

懷川晚立

清川繞縣衙小立共汀沙暝色催歸鳥春愁對落花江  
湖頻戀闕風雨更思家出處成何事惟添兩鬢華

晚立懷友

野曠行人絕林空墜葉聞客愁當落日詩思入寒雲草  
暗防蛇毒山昏過虎羣梅花萬里道歲晚正思君

宿賀州黃家洞瑞嵒寺清溪茅屋悠然有故山之

景

怪石分羣壑清溪共幾家  
衡門散雞犬古寺入桑麻  
薄官知無補浮生信有涯  
白鷗藍澗曲春水遶桃花

雨中同孟原僉憲登嘉魚亭

高閣流鶯外荒城駐馬前  
江寒三月雨春老百蠻天  
折柳悲橫笛飛花落釣船  
乾坤總羈旅把酒意茫然

送胡元節廣西憲使

楊士奇

驄馬赤茸鞦臨岐嘶未休  
朝廷用儒雅風紀得才猷  
天

遠三湘外霜含八桂秋貪漁嗟薄俗表率在名流

送友人廣西省親

張 肆

壯志在遊遨寧親宣憚勞水經湘浦濶山入桂林高柳  
色迷蘭棹花香入茜袍東風吹別曲離思滿江皋

贈鬱林州判

金 幼 孜

鬱林渺何許遠在海西頭念子有行色離情逐宦遊曉  
雲隨綵旆夜月引仙舟好為宣王化從容展壯猷

出鬼門關

朱 琳



北流仍在望喜出鬼門關自幸身無恙從教鬢已斑  
人多不返今我獨生還回首瓊山縣昏昏瘴霧間

西山

萬霽

數里西山路千家夕照村霞光迴樹杪山影倒雲根  
吏少空庭舍人歸附郭門地偏風俗好鷄犬任黃昏

仙李洞

陳輝

玄巖何太古洞穴更虛明宇宙初開闢山峰已孕精  
縈紆隨地轉磅礴自天成此日同登眺吟餘思倍清

陽朔東嶺

何佐

我愛陽川好朝霞綃嶺東九光期遠嶂五色麗晴空初  
擬祥雲並還疑絳錦同海風吹不斷常伴日輪紅

長生湯翠

梁能定

長生多占勝疊嶂觸眉低匝地青茵布連天翠羽齊脩  
簞常濯濯瑤草日萋萋幾度春容媚花香襯馬蹄

鷺翎應禱

鷺嵒多爽塏洞口最玲瓏隱隱霜翎起涓涓石乳鐘有

神乎應禱無衲寄行踪  
反復登哦咏人在翠華中

青山晚照

青山如列戟一帶勢崔嵬  
落照紛紛去斜暉冉冉來  
江中漁棹急途畔客心催  
迢遞層陰起山猿處處哀

貓嶺朝霞

貓嶺高如峙陽鳥每上遲  
翠華鋪玉案光彩絢金機  
郁郁天門蕊菲菲絕頂摘  
須臾收斂去應與白雲齊

南津晚渡

岑方

南津官渡迥天晚起蒼烟  
負擔客爭路立沙人待船  
風波無定日衣食足何年  
借問營營者誰謀早濟川

鰲頭山

錢溥

江上蟠桃石雄吞北郭陞  
中擎天一柱獨障水東馳  
霖雨多需望風雲每護持  
憑誰一點化高躍向天池

青連山

萬疊山如障城頭翠作圍  
玉龍隨瀑挂玄鶴伴雲歸  
謝屐遊難遍陶籬見亦稀  
倚欄看不厭嵐翠濕人衣

白雲洞

野外尋仙迹雲封古洞幽  
碧桃時在澗瑤草不知秋  
道路通三島烟霞占一丘  
有無誰可必明月自悠悠

隴口樵歸

青山幾樵者荷擔出林墟  
夕照歸鴉後秋風冷葉初  
爛餘王質斧讀盡買臣書  
伐木歌聲裏應當為起予

山寺僧燈

祇園金盛日深夜佛前燈  
影亂星千點光搖月幾層  
續

傳心境破寂照怪淵澄欲問叅禪事嗟今已不能

石門漁唱

黃諫

向晚孤城北漁歌起石門聲從蘋末起遠向耳邊聞烟  
浦燈光爛沙汀笑語喧誰知崑瀨叟不肯戀華勛

綠樹神湫

隔江深澗底榕葉鬱青青神物深潛處清泉自有靈惠  
能蘇萬卉勢欲捲南溟村洞祈年者時來倒醪醺

南津晚渡

董應軫

夕陽芳樹外一葉泊清灣爭渡村夫健謹呼土語蠻未  
聞供役去盡道趁墟還載月蘆花渚蓑衣一夢閒

筆架晴嵐

鄭宗維

羣峰恒吐氣非霧亦非烟練淨巖前石光浮雨後天鶴  
歸遙認樹豹隱不知年合作文明兆英才筆似椽

送劉淵赴任南寧府佐淵嘗從予學先任廉州同

知

劉定之

梧江南去近佐治古邕城琢玉當年學還珠邇日名攜

家無後慮報國有前程時復嘗椰酒同僚話至情

送張布政文昌慶聖節畢還任廣西

持憲陞藩牧名馳楚越鄉朝天伸敬愛繞電際休祥鳴  
佩寒辭薊飛舸暖溯湘莫言淹外寄寵召入巖廊

成化七年春二月十有八日余與總鎮太監陳公  
總兵官平江伯陳公視耀武揚威關二公留款慶  
林寺寺前山坡之上其平如掌下臨長江旁列茂  
樹衆登覽為之躍然喜勝地之偶得感二公之情



而慨念時事遂及西師不覺浩然興發因作一詩  
書貽寺僧同遊者參議王孟育馮文綱也

韓雍

嚴關閱初遍下馬憩禪林樹覆連天幕泉鳴隔澗琴憂  
民成老疾報國喜同心聞道西征急何時聽捷音

送龍州樊使君

王越

萬里龍州路冥冥烟霧深山峰迎去馬野燒隔平林地  
遠官無法民豐素有金相思明月夜愁聽幾猿吟

金史卷一百一十一  
挽全州蔣隱君友人蔣良之父 丘 濬

高人厭世氛一夕斂天真花落閒庭晚鳥啼空谷春  
藥囊餘舊劑茶竈冷香塵埋玉湘江上悲風起白蘋

和廣西吳憲副

李承箕

我本楚狂人荊州此識君雲山還昨夢世路與人分  
短褐曾嫌醜虛名自愧聞兼金數字至高義激浮雲

無民不清靜有吏與歌謳古調何人會明公是此流  
長風破巨浪孤影落虛舟獨倚闌干月幾回明遠樓

繡斧昭州路開荒透密蘿陰符兼老子劒術漏荆軻竹  
護新畝舍烟消舊獠窩儻餘經略此不惜重經過

桂林守梁文振聞予調柳遣人邀迎至永幾千里  
視落落不相存顧者相去遠甚人回作詩致謝

桑悅

為客開懷處邦君在桂林看人相冷面走价遠迎心雪  
洞篇章淨灘江道義深緇衣詩久廢千古只如今

遊南山

甘泉

石室開神斧鴻濛景尚新  
板綠入巖洞仰視見嶙峋  
野鳥鳴高樹花開笑暮春  
丹爐烟竈冷應說二仙人

藤江

黃鎬

藤江行幾日不見有人烟  
兩岸山如壁中流水似弦  
鳥啼深樹裏船繫急灘邊  
遙望容城路淒涼思愴然

弘治己酉行人差廣右

丁養浩

授職居燕北承差出廣南  
過時須自檢在處即為安  
莫說炎涼事休誇冷熱官  
平心憑造物立向靜中看

送方文粹省父歸柳州

蔣冕

萬里頻懸夢高堂九十翁養能榮一日官不換三公衣  
舞花前豸門迎柳外驄平反多少獄一笑醉春風  
借問龍城路何人驄馬歸靈椿榮壽域宮錦製春衣事  
為鄉邦重恩添草木輝移忠應有訓莫戀故山薇  
適然亭

鄭岳

隙地纔尋丈鋤荒構此亭軒臨一水碧簾捲數峰青竹  
笋穿階出蟬聲隔座聽晝長公事少恍若在林垌

送節推曾良忠之蒼梧

葉元玉

天涯岐路別何處是蒼梧梅嶺蠻烟淨藤江月色孤  
清閒狴犴波靜息天吳莫嘆炎方遠乾坤亦版圖

伏牛嶺

章拯

落日度牛嶺歸禽相與還雲吞山一半路沒水中間村  
落多稱寨行人每怯蠻羣黎入版籍嗟爾一何艱

蘇橋驛次韻九龍山史

魯鐸

駐節灘江驛寒燈共夜深一年長至日萬里故園心客

路妨清賞吟風入短吟君才吾避地行復重難林

過大關

大關惟線路躡磴上崔嵬雲觸車簷起泉從樹杪來寒  
輕花繼續濕積蘚毯迢遠道逢奇勝奚囊取次開

思籠驛見螢

不省南荒地窮冬尚有螢草中初訝火山外復疑星寒  
暑今難信乖常自合經少陵如見汝愁思益難勝

上林道中

山路奇還險肩輿阻復通有時疑墮井忽地欲凌空襟袖雲中氣旌旗樹裏風獨憐寒暖候不與故園同

崑崙關

路出崑崙上中林不見天巢卑幽鳥護樹老怪藤纏空翠疑成滴陰崖戒近邊前驅知不遠齋策隔蒼烟

宿陸川學荒陋甚矣慨而有作時上司不至者六

十年

周用

五紀公巡少十科人望孤鱣堂猶倚席雉堞不弦弧白



石未堪煮黃狸亦解呼高軒且珍重簷雨濕流蘇

庚辰四月二十二日謁陶忠烈祠是夜夢青天白

日心無愧遂次前韻足成

白日心無愧清朝節更孤裏屍餘馬革齋志畢桑弧廟  
貌猶生氣窮泉不可呼麒麟如可畫接席漢臣蘇

正德庚辰四月二十七日廣西進兵

先捷猶天幸懸軍勢不孤膏脂饒粟帛老弱戒弦弧五  
月方誅戮三苗復嘯呼未聞堯舜日亦復望來蘇

自覃村至陸川縣頗涉荒險

百折但途淖陰厓行色孤驅車防斷石射鬼詫張弧淺  
薄嗟何補顛危痛欲呼陸川今夜雨容我夢姑蘇

望勾漏山

令尹宜勾漏丹砂道未孤漫尋燒藥竈不用射狼弧紫  
氣遊龍遠青林啁雀呼何人能吏隱吾亦念吾蘇

赴南寧謁諸部使

鄧炳

部使期交集先聲著督郵書隨人共至船與水爭流崑

岫烟生暝炎荒夜作秋安邊三五策容可備咨諏

新莊道中

慣作周流客新莊幾度過  
泉聲寒瀉玉山影綠搖波  
江曲添程路風和送棹歌  
獨憐漁父拙眾網避龜鼉

送鄒參議敏行之廣西二首

徐問

曉日動行節離情滿客杯  
秋分晉陵路吳盡越王臺  
桂水蠻江入蒼梧毒霧開  
極知行省貴天遣出凡材

秋轉金緋重君來尺五天  
衣冠通桂嶺舟楫帶湘川  
海

舶千家市春禽萬井烟相思誰更切書寄北風前

龍門驛

險仄灘江峽龍門驛路通軍麾沙水上春色瘴烟中深  
樹埋豺虎窮荒絕鴈鴻天山勛亦壯吾欲挂雕弓

懷黃提學才伯按節梧州將棄官歸

叔度風流遠灘江復見君頻年少知己長日念離羣碧  
月潭前水蒼梧嶺上雲何時還促駕深酌細論文

送王先輩納言歸柳州

祝允明

攜將柳州劍獨下瀟湘船千里景千變一山詩一篇離  
橋梅子雨歸棹桂花烟重會雲霄上大都纔二年

贈柳州桂二守

嚴嵩

南登桂嶺道却上楚鄉舟賦就江籬晚書回旅鴈秋山  
形攢劍戟方語雜旃裘好種江邊柳還將惠化留

喻大行宗之靜藩祭葬別贈

宗藩勤卹典漢使下彤墀雲捧青霄節山開碧殿祠桂  
江題句勝滕浦繫舟遲聞有慈幃別重歌四牡詩

送李正郎之廣右提學

冠蓋三春別雲山百粵程草齊疑礙馬花暖欲啼鶯  
擢儒臺重遲迴省署清相知誰復似不盡送君情

題風洞

寧知巖洞古平臨闌闌中梵閣開丹鷺仙梯躡彩虹遙  
峰晴吐霧陰磴靜含風安能賦招隱來扳幽桂叢

題虞山廟

重華千載後遺廟在南畝  
弦想薰風奏庭思鳳鳥儀

斷碑苔蘚合幽洞薜蘿垂髣髴移仙駕乘雲度九疑

虞山宴別

臘二十五日發桂林方伯何君珊憲使宗君璽大參  
彭君夔憲副張君祐陳君伯獻都帥戴君儀王君繼  
善偕錢虞山廟之南薰亭上既謁廟乃宴乃往觀于  
廟後之韶音洞既醉賦詩留別諸君子

山隱韶音洞江橫舜帝祠旌旄勤出餞品石借題詩客  
路春梅色湘洲碧草辭都忘去程暮留賞更傳卮

贈言紛授簡祖席迥臨城奉使憐遐域羣公荷別情灘  
波經地險桂樹向冬榮勝會知難再相思一寄聲

全州歲夜

殊俗聊相值空堂誰與同燈明深雪裏歲盡漏聲中野  
暗孤城柝庭高古樹風頻年遠為客此夕意何窮

贈靖江王孫

顧璘

大雅詩書志高情洞壑居風流宜鶴氅雲氣繞鸞輿摘  
辭過梁宋召客得應徐投簪吾未老猶可曳長裾



紫閣投朱紱青山卧白雲鳳笙留祕曲鴻寶枕靈文近  
得臨邛客飄然思不羣時傳古洞賦為我洗塵氛

將赴灌陽

累歲倦行役茲晨仍灌川路危纏巔脊草盛隱人肩逐  
客窮愁地荒城大有年不才寬罪譴何以報皇天

入金盆山訪唐孝子

舊聞封股事今見結廬情篤行關風俗殘軀效死生秋  
原雙淚苦春草寸心傾獨夜悲風切偏聞宰樹聲

秋日觀風地青山五馬莊荒廬依大塚烏鳥泣衰楊孝  
子人倫重高賢世緒昌磨崖傳故事林壑借餘光

訪仙源洞得道人蔣馨故樓石題

水曲桃花暗靈巖信有仙蟲書留古洞鶴駕去何年白  
犬眠金竈蒼龍飲玉泉愧非嵇叔夜來此莫空旋

小泛得黃樓諸山之勝

不奈城中役重尋水上遊秋光俱白舫山翠忽黃樓竹  
覆溪門淨雲藏石洞幽誅茅饒野意留語報沙鷗

雪霽登湘山露勝亭

勝地意何限新晴還獨過  
衆山殘雪滿孤嶂烈風多  
浪迹留巖壑幽襟到薜蘿  
俗塵休見染欲此問維摩

春日磐石江上

歷歷春山色留人坐不歸  
空園花自發芳草雉爭飛  
多病懷鄉切端居出郭稀  
塵冠將白首無乃負漁磯

飲柳山上

白日空山靜青春結驪來  
江橫羣水合野濶萬峰開  
柳

子絃歌室章公射飲臺併餘芳草色默默對銜杯  
把酒高臺畔青山落案前飛花三月雨垂柳萬株烟勝  
地堪吾醉清風愧昔賢塵纓何處濯深澗有寒泉

月牙巖

孟洋

天設巖須古月牙名自今樹低千岸轉洞敞萬峰侵冠  
服承雲麗笙歌落澗深南州真勝概北客此登臨

同顧刺史遊柳山

昔慕柳侯迹今逢顧守遊山形盤野壑樹色動江流城

郭登臺暮風煙倚閣秋不須松下酌深坐已忘憂

答黃橫州

漢苑同遊客分飛已十年封書橫嶺北灑淚桂江邊  
辛苦仍州郡飄零獨簡編天涯春色暮寂寞萬峰連

懷顧全州

蔡羽

憶別長沙客猶驚帝里塵霜飛兩地月草結百蠻春  
舊賦傳鸚鵡新詩得素鱗東歸紅日近直道豈難伸

顧子謫全州遇贈二首

李夢陽

楚城悲遠望君去更悠悠十月逢南鴈章江況北流寒  
沙帶宿莽霜月下孤舟明發湘東路應添弔屈愁

蒼梧遺舜迹白雲秋氣愁君得人文地相傳是此州山  
連夜郎密瘴入桂林秋獨有思親淚非緣逐客流

送顧華玉謫全州

何景明

白日春城暮孤雲天際陰君行萬里外予意一何深夏  
擬浮湘水秋應到桂林衡陽去不遠莫使鴈書沉

得顧華玉全州書兼知望之消息

地北一為別天南真可哀同時萬里去隔歲一書來  
水濶蛟龍出山深杜若開相思有詞賦愁絕並登臺

贈別顧華玉謫全州

孫一元

桂嶺經行處泉聲日夜潺飛蛇晴挂樹毒霧晝沉山  
去國鳴孤楫傳詩到百蠻柳侯讀書處遺像沅湘間

宿布村

潘希曾

泥塗日已夕草閣雨猶寒美睡方知倦羈棲自鮮歡  
泉聲迴澗底花氣藹林端往路還何許沉沉夜欲闌

南寧太平之間巖石奇絕累日玩之不厭

兩崖迴石壁悅玩意忘疲混沌何人鑿玲瓏一世奇  
累鼎象物隱隱畫藏詩絕頂雲昏處惟應仙鶴知

題陽朔縣

王臣

山城極清秀彷彿武陵源黃葉飛江路青山到郭門  
田中禾本立牆角豆花存坐待梧桐月披襟共客論

送夏大行奉哀詔使南紀

王廷陳

我亦天涯客看君萬里行浮湘遷史迹喻蜀馬卿情雲



氣蒼梧野楓林白帝城壯遊茲不忝海內早知名

興安道中

汪必東

問縣古興安觀山秀鬱盤松浮蘿蓋遠石溜澗泉寒陟  
聞平分浸湘灘此發端放舟沿兩岸花草入牕看

靈川道中

曉日靈川道春風遠使旌山迎來雨色石過轉泉聲細  
澗桃紅杏高原稼綠平人家多隔樹疑在武陵行

過陽朔

路經陽朔縣避瘴日輪高萬石攢如笋羣峰拔不毛問  
民多土著移習半酋豪前問田州計臨風思獨勞

過平南

西粵得平南觀風足美談水光明曉練山色遠晴嵐稼  
穡田中半絃歌巷什三祗憐戎馬地賦索日難堪

駐潯州

三峽聞藤斷雙流見桂平牂牁通象遠勾漏出龍清何  
事虛開府頻年少往氓蕭條駐藩節回首愧干城

駐賓州

長驅來宦轍遠徼入賓州地接龍荒貢途通象服郵民  
風今不陋王澤故常流何為田禽鷙偏煩士馬蒐

駐荒田

野憩得荒田煩襟一灑然樹封村落僻草構驛亭妍驟  
雨收炎瘴微風度晚蟬夜涼清夢足忽忘在遐邊

駐南寧

西粵觀諸郡南寧亦首風正音前漢叶奇貨左江通銅

柱勲名後金城禮信中其如夸壤接常歲事征戎

興安道中遣興

戴欽

不是天涯子誰知行路難高江吞地轉翠嶂倚雲蟠斗  
口牽腸曲龍塘照膽寒萬重烟樹外何處望長安

項貢士之任蒼梧

張璧

八桂重蒼梧君才信不誣兩藩都會地百里幅員圖荒  
筭亂初定窮閭貧未蘇撫摩宣帝澤聲譽徹天衢

過象州

蔣山卿

秦皇開象郡茲事已千年臺古埋秋草城荒起暮烟江  
天雲漠漠石嶺月娟娟萬里慚漂泊因風懷昔賢

送吳司訓擢羅城教諭

陳琛

對花呼酒數留客索詩頻談笑真驚座風流迥出塵車  
圓何擇地春好總宜人聞說羅城柳年來亦轉新

送章以道之梧州

錢公琦

君行就遠道我淚灑東風易別三春酒難逢百粵鴻壯  
懷依短劒浪迹任飛蓬後夜蒼梧月相思有夢通

贈別韋評事歸靖江

黃佐

抗疎甘南謫知君不負承離情江上樹聚首驛前燈幽  
谷歌鳴鳥天池息大鵬扁舟泛明月回首夢毘陵

靈川寄懷

性拙嗟無侶交深賴有君襟期珠海月去住桂山雲黃  
屋匡扶切蒼生軫念勤靈川烟雨裏憂樂夢希文

興安道中

放浪滄洲客遲迴桂水春密雲虛礙馬芳草遠隨人野

潤啼鶯樹山多佩犢民戍歌愁聽汝荒服幾時新

遊南山

劉節

故事蘭亭舊遊踪石洞新神工開混沌地軸聳嶙峋雲  
散千山雨花明萬樹春探竒因吊古都屬詠歸人

鼓架浮晴

張憲

三峰如鼎峙一井碧連時翠色晴方好紅妝雨亦竒不  
聞傳漏鼓惟可豁愁眉僻性耽泉石往來無定期

烏蠻灘上曉發

向錦

威武神祠下鐘殘曙色分疎簾透初日危巔墮秋雲江  
滿灘聲穩風高鶴淚聞身為萬里客獨往更誰羣

酬袁永之

書自陽朔寄來

楊慎

書到滇陰日封題陽朔春同心雖異縣未面已通神駿  
發高岑後鴻裁瞻壽新

永之近著皇明獻賞

伊予嗟暮老顚子揆

天宸

太平學舍八首

張岳

吾道江河水文章奎壁精寒光無楚越清潤足餅罌絕



徵兵戈少青衿經誦鳴新秋占氣候應產紫芝榮

空城抱靜碧太宇逼青蔥誰謂經無用人知聖可同三  
千壓戎馬萬丈吐霓虹所志諒能遠殷勤戒篆蟲

陳良稱楚璧姜相擅南金文物動千古風流越在今洞  
犀箭礪鏃習羽鵠低林莫遣流光邁負君頭上簪

聲教千年運春秋一畝宮明裡薦綠藻遺響拂絲桐地  
遠人多朴中孚物自融乘桴非有託茲意鬱冲冲

文豹能藏霧翠毛亦自珍如何寒潭水翻翳後車塵經

緯精微在步趨禮法陳前賢心最苦直指竟非真

迂濶元吾道盱眙是吏師誰能朱墨暇更理鳶魚辭  
春雨滿芸閣天聲散島嶼豈無分竹者感歎良在茲

春秋譏猾夏秦漢事邊功攘斥非無術微言自不同  
聖心堙反袂霸氣漫隋竦振策首遐軌多岐幸勿訐

徃歲謬文柄掄材上澤宮迂疎成汎愛棄逐任飄蓬  
舟楫一身遠關河萬里通重來多舊意朗詠舞雩風

和可齋憑祥途中即事

昨晚猶孤棹今朝獨木橋千峰旌旆遠萬里鬢容消歸  
鳥入雲定殘花過雨飄交南消息近客意自瀟瀟

和可齋飲駐仙亭

亭陰青翠篠樹影搖青楓偶此殊方會翛然滿檻風  
碁碁靜夜子月挂下弦弓不為流連飲天涯任轉蓬

羅叢巖

王清

鑿破金鰲背虛明一竅通洞天塵世外樓閣畫圖中  
水冷猿啼月山空鶴淚風閒來足觴詠不必歎途窮

青山廢寺覽古

陳瑾

石壁題名遍雲封古磴斜蜂銜爭嫩蕊鹿卧藉寒花水  
碓猶舂雪松房半宿霞巖前僧定處占作野人家

龍江舟中感賦

石盡江流緩舟行片月隨村舂茅店急野徑竹房敲腰  
折緣何事橐垂不自知琴中山水意差可對鍾期

白鶴山

莫魯

峻嶒迎羽翰顧影萃山靈竒骨孤峰瘦霜毫絕頂輕九

臯風欲靜午夜月猶明千載懸歸思棲遲若有情

送田啓東都帥廣西

孫堪

迢迢之象郡望望隔燕雲暫展圖南翼真空冀北羣胸  
藏龍虎略劒拂斗牛文萬古留銅柱相期早策勲

赴梧諸寅餞別阻風夜泊

屠僑

別筵纔十里潮落海珠宮欲挽無高岸相持有逆風蒼  
茫孤夜泊想念一樽同新問交州道山川五嶺中

昭州道中二首

潘思

舟移桂嶺外人泊暮江瀆百越炎蒸地千山虎豹羣虛  
明涵洞月狼籍散溪雲何處征歌發愁予不可聞

干旌從遠道忠信涉危湍猿挂蒼梧曉鼉鳴白日寒江  
山憐獨客簪笏笑微官無奈歸與興裁詩強自寬

過伏波祠二首

伊余來絕徼至此伏波祠石轉灘聲急峰圍日色遲烏  
崑雲正繞青草瘴應悲北望天門阻南征羽翼垂

曉月謝雲林槎江深百尋泉飛春作雨瘴遠盡生陰理

棹艱超越乘流歎滯淫懷茲靡監賦復惻武溪吟

三洲品次韓襄毅

虛無分地竅融結妙天工玉笋懸雲上丹鱗起洞中神  
鉦鳴石細靈鼓震波洪緱氏山頭鶴飄飄下碧空

十二月重至潯州復值立春日桃李競開

潯水重來地還逢爛熳春花頻送客瘴嶺未歸人興  
逐蒼雲盡愁將白髮新故園松菊冷吾愛若為鄰

象磯

危灘延竹纜，鉆石瞰虛舟。  
霧氣晴還濕，嵐光午未收。  
悲歌憐獨往，指顧憶同儔。  
鎮日如相約，雙來水畔鷗。

過檢篙灘答金之乘僉憲二首

巨靈蹠高掌，激羽瀉危灘。  
誰謂乘流意，將無行路難。  
淒涼五嶺道，惆悵一枝安。  
況復逢遲暮，那堪草色丹。  
峻峽緣崖盡，輕鳧引浪長。  
蛟龍亂雲霧，山水動文章。  
目極芳華歇，愁經晚桂香。  
煩君慰寂寞，琬琰照江鄉。

送丘止山之任柳城



高才淹枳棘出宰歎蹉跎鳳嶺雙鳬去龍江一鴈過  
宦遊致身遠文翰取名多知爾彈琴暇流傳白雲歌

寄寄亭二首

勞勞江海夢寄寄水雲亭菰米浮波白荻房著子青光  
陰嗟過客蹤迹信飄萍獨坐秋風裏焚香入杳冥  
假息風塵外無論日月徂筍穿鄰地竹樹借晚巢烏寓  
目花三徑憑虛酒一壺浮名那復道何處老潛夫

道林寺次之乘韻

卓錫當山麓招提控水東我來聊偃息塵去悟真空鶴  
踏珠花燎龍翻貝葉紅蒲團焚柏子香引隔簾風

登思思籌邊樓

吳赴

高壓郡西城籌邊不浪名江山三面敵難犬幾家聲敗  
堞烟中靜危橋竹外明公餘一登眺觸處盡詩情

送人謫全湘

袁袁

百粵文身俗華風近若何沅湘秋鴈少嶺嶠夜猿多訪  
古過銅柱懷賢弔汨羅南中饒瘴癘去矣慎風波

虞山別潘臬諸寅長三首

桂嶺不可見虞祠聊暫留腸因去國斷淚以別知流柳  
綠迷征騎山青隱戍樓異時懷此地應向夢中遊

祖道空相送驪歌不可聞自緣憂病骨非敢負明君官  
路清朝雨江帆杳暮雲依依更執手去住惜離羣

疏傳嘗辭綬梅公亦挂冠高風今已遠直道古來難笠  
澤萬堪茹柴桑菊可餐人生各有志何用戀微官

自柳至平樂書所見五首

象郡極蕭條賓州頗沃饒  
越虛多醜女互市半良莠  
簞裏檳榔貴花妝茉莉嬌  
輜軒叨使者異俗采風謠

邕管真堪賦江南恐不如橘奴  
金彈密荔子水晶虛海錯羞  
方物山蕉入野蔬無論寶玉賤  
魚米自宜居

藤峽韓永績崑崙狄帥功  
左江仍略定八寨未全通  
舞劍狼家健彎弧達舍雄  
盧蘇誰養寇何事枉姚公

鬱白方言似潯梧瘴氣賒  
蝮蛇晴挂樹射蜮畫含沙  
屋覆湘君竹山紅蜀帝花  
夸壘收未盡博物待張華

昭平灘險惡最險是龍頭藥弩經齊鼓銅刀鞘屢抽紅  
巾翻把隘白晝競鉤舟儻得山韓將孤羣豈足憂

謁劉賢良祠

高樹臨流水空庭澹夕陽萬言翻下第三黥竟投荒事  
業存青史英靈儼白楊古來稱屈者不獨一賢良

謁柳詞

羅地非昔日柳廟亦荒顏秋草重門閉寒花獨樹開文  
章真命世今古孰憐才猿鶴如相訴松風晚更哀

賓州逢馬侍御君卿

同作炎荒客嗟君未賜環丹心戀北闕白首老南蠻  
歲月杯中酒田園洛下山聖朝無棄物早召賈生還

烏蠻灘

灘說烏蠻險今來異昔聞江流清似鏡山瘴白於雲  
銅柱瞻遺烈叢祠表懋勲伏波如可作談笑掃妖氛

蒼梧作

氣候南荒異蒼梧濕更饒山雲晴忽雨江霧夜連朝  
病

與炎俱劇愁隨瘴不消故鄉那可望桂嶺已迢迢

昭潭見雪

五嶺傳無雪三冬喜見花  
霰喧牕竹響絮捲朔風斜  
臘已辭梅萼春先報柳芽  
誰憐僵卧者猶自滯天涯

粵西詩載卷十一